





書舟詞

目錄

摸魚兒 一詞	洞庭春色 一詞	漁家傲 二詞	攤破南鄉子 一詞
南浦 一詞	水龍吟 一詞	破陣子 一詞	折紅英 一詞
四代好 一詞	木蘭花慢 一詞	一翦梅 三詞	臨江仙 二詞
念奴嬌 一詞	閨怨無悶 一詞	鳳栖梧 十五詞	醉落魄 三詞
八聲甘州 一詞	滿庭芳 一詞	南鄉子 三詞	鵲橋仙 一詞
玉漏遲 一詞	滿江紅 三詞	虞美人 一詞	木蘭花 二詞
雪獅兒 一詞	攤破江城子 一詞	瑞鷓鴣 二詞	鷓鴣天 三詞
驀山溪 一詞	最高樓 一詞	浪淘沙 一詞	雨中花令 三詞
瑤階草 一詞	上平曲 一詞	望江南 一詞	望秦川 三詞
孤雁兒 二詞	一枝花 一詞	南歌子 五詞	入塞 一詞
祝英臺近 一詞	碧牡丹 一詞	西江月 三詞	眼兒嬌 一詞
小桃紅 一詞	紅娘子 一詞	朝中措 五詞	烏夜啼 四詞
天仙子 一詞	青玉案 一詞	虞美人影 一詞	一落索 二詞
芭蕉雨 一詞	酹相思 一詞	憶秦娥 三詞	好事近 四詞
		清平樂 四詞	鷓金門 七詞
		卜算子 三詞	霜天曉角 二詞

宋六十名家詞

書舟詞目錄

減字木蘭花 一詞 菩薩蠻 十五詞

浣溪沙 五詞 點絳脣 一詞

愁倚欄令 二詞 生查子 三詞

長相思 三詞 如夢令 一詞

憶王孫 一詞

書舟詞

宋程垓

摸魚兒

掩淒涼黃昏庭院角聲何處嗚咽矮窗曲屋風
燈冷還是苦寒時節凝佇切念翠被熏籠夜夜
成虛設倚闌愁絕聽鳳竹聲中屢憐影外歛歛
離寒輕雪傷心處却憶當年輕別梅花滿院
初發吹香弄盞無人見惟有暮雲千疊情未徹
又誰料而今好夢分胡越不堪重說但記得嘗
初重門鎖處猶有夜深月

洞庭春色

錦字親裁淚巾偷裏細說舊時記笑桃門巷粧
窺寶曆弄花庭榭香溼羅衣幾度相隨遊冶去
任月細風尖猶未歸多少事有垂楊眼見紅燭
心知如今事都過也但贏得雙鬢成絲歎半
枝紅苴相患有分兩分青鏡重合難期惆悵一

春飛絮夢悠颺教人分付誰銷魂處又梨花雨
暗半掩重扉

南浦

金鴨懶熏香向晚來春醒一枕無緒濃綠漲瑤
窗東風外吹盡亂紅飛絮無言佇立斷腸惟有
泥罌語碧雲欲暮空惆悵韶華一時虛度追
思舊日心情記題葉西樓吹花南浦老去覺權
疎傷春恨都付斷雲殘雨黃昏院落問誰猶在
凭闌處可堪杜宇空只解聲聲催他春去

水龍吟

夜來風雨箇箇故園定是花無幾愁多愁極等
閒孤負一年芳意柳困花慵香青梅小對人容
易算好春長在好花長見元只是人顛顛回
首池南舊事恨星星不堪重記如今但有看花
老眼傷時清淚不怕逢花瘦只恐怕老來風味
待繁紅亂處留雲借月也須拚醉

四代好

翠幙東風早蘭窗夢又被鶯聲鶯覺起來空對
 平階弱絮滿庭芳草厭厭未欣懷抱記柳外人
 家曾到凭画欄郵更春好花好酒好人好春
 好尚恐開珊花好又怕飄零難保直饒酒好酒
 未抵意中人好相逢盡拚醉倒況人與才情未
 老又豈關春去春來花愁花惱

木蘭花慢

春怨

倩嬌鶯婉燕說不盡此時情正小院春闌芳園
 畫鎖人去花零憑高試回望眼奈遙山遠水隔
 重雲誰遣風狂雨橫便教無計留春情知雁
 香與鴻冥自難寄丁寧縱柳院墮深桃門笑在
 知屬何人衣篝幾回忘了奈殘香猶有舊時熏
 空使風頭卷絮為他飄蕩花城

念奴嬌

夜秋

秋風秋雨正黃昏供斷一窗愁絕帶減衣寬誰

念我難忍重城離別轉枕寒惟挑燈整被總是
 相思切知他別後負人多少風月不是怨極
 愁濃只愁重見了相思難說料得新來魂夢裏
 不管飛來蝴蝶排悶人間寄愁天上終有歸時
 節如今無奈亂雲依舊千疊

閨怨無悶

天與多才不合愛與殢柳冷花情分甚總為才
 情惱人方寸早是春殘花褪也不料一春都成
 病自失笑因甚腰圍半減淚珠頻搵難省也
 怨天也自恨怎免千般思忖情人說與又却不
 忍拚了一生愁悶又只恐愁多無人問到這裏
 天也怜人看他穩也不穩

八聲甘州

問東君既解遣花開不合放花飛念春風枝上
 一分花減一半春歸忍見千紅萬紫容易漲桃
 溪花自隨流水無計追隨不忍憑高南望記

舊時行處芳意非非嘆年來春減花與故人非

總使梁園賦猶在奈長卿老去亦何為空搔首

亂雲堆裏立盡斜暉

滿庭芳 特在臨安
說秋登臨

兩月驚鴻西風破雁又是秋滿平湖揀蓮入盡

寒色戰欲蒲舊信江南好景一萬里輕寬尊鱸

誰知道吳儂未識詞客已情孤憑高增悵望

湘雲盡處都是平蕪問故鄉何日重見吾廬縱

有荷紉芰製終不似菊短籬疎歸情遠三夏雨

夢依舊遠庭梧

玉漏遲

一春渾不見那堪又是花飛時節忍對危闌數

曲暮雲千疊門外星星柳眼看誰似當時風月

愁萬結憑誰為我慇懃說不是慣却春心

奈新燕傳情舊鶯饒舌冷篆餘香莫放等閒消

歌縱使繁紅褪盡猶自有餘馨堪折魂夢切不

耐飛來蝴蝶

滿江紅 別遠

門掩垂楊寶香度翠簾重疊春寒在羅衣初試

素肌猶怯薄霧籠花天欲暮小風送角聲初咽

但獨寒幽幌悄無言傷初別衣上兩眉間月

滴不盡翠空切羨桐葉歸燕入簾雙蝶愁緒多

於花絮亂柔腸過似丁香結問甚時重理錦囊

書從頭說

又

水遠山明秋容淡不禁搖落况正是樓臺高處

晚涼猶薄月在衣裳風在袖冰生枕簟香生幙

算四時佳處是清秋須行樂東籬下西窗角

尋舊菊催新酌笑廣平何事對秋滿索搖葉聲

聲深院宇折荷寸寸閒池閣待歸來閒把木犀

花重熏却

又

葦屋為舟身便是煙波釣客沉人間元似泛家
 浮宅秋晚兩聲蓬背穩夜深月影窗櫺白滿船
 詩酒滿船書隨宜索也不怕雲濤隔也不怕
 風帆則但獨醒還睡自歌還歌臥後從教鯨鱗
 舞醉來一任乾坤窄恐有時撐向大江頭占風
 色

雪御兒

斷雲低晚輕煙帶暝風驚羅幙數點梅花香倚
 雲窗搖落紅爐對誰正酒面瓊酥初削雲屏煖
 不知門外月寒風惡迤邐掃雲半掠笑盈盈
 閒弄寶箏絃索暖極生春已向橫波先覺花嬌
 柳弱漸倚醉要人樓着低告託早把被香熏却
 攤破江城子
 娟娟霜月又侵門對黃昏怯黃昏愁把梅花鬪
 自泛清樽酒又難禁花又惱漏聲遠一更更總
 斷魂斷魂斷魂不堪聞被半溫香半溫睡也

睡也睡不穩誰與溫存只有床前紅燭伴啼痕
 一夜無眠連曉角人瘦也比梅花瘦幾分

暮山溪

老來風味是事都無可只愛小書丹牘圍着琅
 玕幾個呼風約月隨分樂生涯不羨富不愛貧
 不怕鳥蟾墮三盃徑醉轉覺乾坤大醉後百
 篇詩儘從他龍吟鶴和升沉萬事還與本來天
 青雲上白雲間一任安排我

最高樓

舊心事說着兩眉羞記得凭肩遊繡裙羅襪桃
 花呀薄衫輕扇杏花樓幾番行幾番醉幾番
 也誰料春風吹已斷又誰料朝雲飛亦散天
 易老恨難酬蜂兒不解知人苦燕兒不解說人
 愁舊情懷消不盡幾時休

鬲梅草

空山子規叫月破黃昏冷簾懷風輕綠暗紅又

盡自從別後粉銷香膩一春成病那堪晝開日
永恨難整起來無語綠萍破處池光淨悶理
殘粧照花獨自伶瘦影睡來又怕飲來越醉醒
來却悶看誰似我孤另

上平曲惜春

愛春歸愛春去爲春忙旋點檢雨障雲妨遮紅
覆綠翠幃羅帳任高張海棠明月杏花天更惜
濃芳喚覺吟招蝶拍迎柳舞倩桃妝盡呼起
萬鬢笙簧一觴一咏儘教陶寫縮心腸笑他人
世浸嬉遊擁翠偎香

孤雁兒

在家不覺窮冬好向客裏方知道故園梅子正
開時記得清樽頻倒高燒紅蠟映黑羅帳一任
花枝惱如今客裏傷懷抱忍雙鬢隨花老小
窗獨自對黃昏只有月華飛到假饒真個雁書
頻寄何似歸來早

又有足從人而後出者
戲用張子野事賦此

雙鬟乍綰橫波溜詎當日香心透誰教容易逐
鷓飛輪却春風先手天公元也管人顛顛放出
花枝瘦幾宵和月來相就問何處春山闌祇
應深院鎖嬋娟枉却嬌花時候何時爲我小撈
橫閣試約黃昏後

一叢花圓怨○或
刻御街行

傷春時候一憑闌何況別離難東風只解催人
去也不道鬢老花殘青歲未約紅綰忍淚無計
鎖征鞍寶釵瑤鈿一時闕此恨苦天慳如今
直恁拋人去也不念人瘦衣寬歸來忍見重樓
淡月依舊五更寒

祝英臺近春晚

陰紅輕濃綠潤深院又春晚睡起厭厭無語小
粧嬾可堪三月風光五更魂夢又都被杜鵑催
橫怎消遣人道愁與春歸春歸愁未斷閒倚

銀屏羞怕淚痕滿斷腸沉水熏熏暗琴閣理奈
依舊夜寒人遠

碧牡丹

睡起情無着曉雨盡春寒酒盞飄零幾日頓
疎行樂試數花枝問此情何若為誰開為誰落
正愁却不是花情薄花元笑人蕭索舊觀千
紅至今冷夢難託燕麥春風夏幾人驚覺對花
羞為花惡

小桃紅

不恨殘花難不恨殘春破只恨流光一年一度
又催新火縱青天白日繫長繩也留春得麼
花院從教鎖春事從教過燒筍園林嘗梅臺榭
有何不可已安排珍簾小胡床待日長閒坐

紅娘子

小小閒窗底曲曲深屏裏一枕新涼半床明月
畱人歡意奈梅花引裏喚人行苦隨他無計

幾點清鵬淚數曲烏絲紙見少離多心長分短
如何得是到如今畱下許多愁枉教人顛顛

天仙子

慘慘霜林冬欲盡又是溪梅寒弄影矮窗曲屋
夜香燒人已靜燈垂燼點滴芭蕉和雨聽約
個歸期猶未定一夜夢魂終不穩知他勾得許
多情真個問無人問說與西樓應不信

青玉案

寶林巖畔凌雲路記藉艸尋梅去詠綠書紅知
幾度行雲歸後碧雲遮斷寂寞人何處一
長笛江天算別後誰吟倚樓句勻面照溪心已
許欲憑錦字寫人愁去生怕梨花雨

芭蕉雨

雨過涼生藕葉晚庭消盡暑溽無熱枕簟不勝
香滑爭奈寶帳情生金尊意慳玉人何處夢
蝶忠一見冰雲須寫個帖兒丁寧說試問道青

來麼今夜小院無人重樓有月

酷相思 別借

月掛霜林寒欲墜正門外催人起奈離別如今
眞個是欲住也畱無計欲去也來無計 馬上
離情衣上淚各自供顛顛問江路梅花開也未
春到也須頻寄人到也須頻寄

漁家傲 彭門道
中早起

野店無人霜似水清燈照影寒侵被門外行人
催客起因個事老來方有忠家淚 寄問梅花
開也未愛花只有歸來是想見小喬歌舞地渾
含喜天涯不念人顛顛

又

獨木小舟煙雨溼燕兒亂點春江碧江上青山
隨意覓人寂寂落花芳草催寒食 昨夜青樓
今日客吹愁不得東風力細拾殘紅書怨泣流
水急不知那個傳消息

攤破南鄉子

休賦惜春詩畱春住說與人知一年已負東風
瘦說愁說恨數期數刻只望歸時 莫恠杜鵑
啼眞個也喚得人歸歸來休恨花開了梁間燕
子且教知道人也雙飛

破陣子

小小紅泥院宇深深翠色屏幃簇定熏爐酥酒
軟門外東風寒不知恰疑三月時 釵影半欹
綠子歌聲輕度紅兒醉裏不愁夏漏斷夏要梅
花看幾枝起來霜月低

折紅英 卽釵頭感正伯
夏名折紅英

桃花煖楊花亂可憐朱戶春強半長記憶探芳
日笑凭郎肩帶紅偎碧惜惜惜 春宵短離腸
斷淚痕長向東風滿憑青翼問消息花謝春歸
幾時來得憶憶

一剪梅

舊日心期不易招重來孤負幾箇良宵尋常不見儘相邀見了知他許大無聊 昨夜梅花擗翠翹影落清溪應也魂消假饒真箇住山腰那箇金章換得漁樵

又

小會幽歡整及時花也相宜人也相宜寶香未斷燭光低莫厭盃遲莫恨歡遲 夜漸深深漏漸稀風已侵衣露已沾衣一盃重勸莫相違何似休尋何自同歸

又

斗轉參橫一夜霜玉律聲中又報新陽起來無緒賦行藏只喜人間一線添長 簾幙垂垂月半廊節物心情都付椒觴年華漸晚鬢毛蒼身外功名休苦思量

臨江仙 合江放舟

送我南來舟一葉誰教催動鳴榔高城不見水

茫茫雲濤纔幾曲折盡九回腸 買酒澆愁不盡江煙也美淒涼和天瘦了也何妨只愁今夜雨更做淚千行

又

濃綠鎖窗閉院靜照入明月圓團夜長幽夢見伊難瘦從香臉薄愁到翠眉殘 只道花特容易見如今花盡春闌西樓依舊五更寒可憐紅繡被空記合時歡

鳳樓梧 客臨安迎日愁霖 依然空寂起作

九月江南煙雨裏客枕淒涼到曉渾無寐起上小樓觀海氣昏昏半約漁樵市 斷雁西邊家萬里料得秋來笑我歸無計劔在床頭書在几未甘分付黃花淚

又

有客錢塘江上住十日坐居九日愁風雨斷送一春彈指去荷花又遶南山渡 湖上幽尋君

已許消息不來望得行雲算芳艸夢魂應記取
不成忘却池塘句

又

門外飛花風約住消息江南已釀黃梅雨蜀客
望鄉歸不去當時不合催南渡 憂國丹心曾
獨許縱吐長虹不奈斜陽算莫道春光難攬取
少陵辨得尋花句

又

南窗
偶題

薄薄窗油清似鏡兩面疎簾四壁文書靜小篆
焚香消日永新來識得閒中性 入愛人嫌都
莫問絮自沾泥不怕東風緊只有詩狂消不盡
夜來題破窗花影

又 送于康
送南下

九月重湖寒意早目斷黃雲冉冉連衰草悵別
臨江愁滿抱酒樽時事都相惱 聞道吳天消
息好舒鷺西池咫尺君應到若見故人相問勞

爲言未分書丹老

又 下十闕或另
列雜戀花

日下船蓬人未起一個燕兒說盡傷春意江上
殘花能有幾風催雨促成容易 湖海客千
萬里著力東風推得人行未相次桃花三月水
菱歌誰伴西湖醉

又

滿路梅英飛雪粉臨水人家先得春光嫩樓底
杏花樓外影牆東柳線牆西恨 擷翠揉紅何
處問暖入眉峰已作傷春困啼路月痕彎一寸
芳心只爲東風損

又 春風一夕浩蕩
曉來脚色一新

寒意勒花春未足只有東風不管春拘束楊柳
滿城吹又綠可人青眼還相屬 小葉星星眼
未熟看盡行人唱徹陽關曲心事一春何計續
芳條未展眉先蹙

又自東江乘晴過
甚願者固小飲

晴帶溪光春自媚
繞翠索青來約東風醉雲補
斷山疎復綴雨回綠野清還麗
拄杖不妨舒
客意臨水人家問有花開未
江左風流今有幾
逢春不要入顛顛

又

翠幙成陰廉拂地
池館無人四面生涼意
荷氣竹香俱細細
分明著莫清風秋
玉枕如水笙
似水纔輕橫
釵早被鬢呼起
今夜月明人未睡
只消三四分來醉

又

画閣紅爐屏四向
梅擁寒香次第侵
惟帳燭影半低花影
幌修眉正任花枝恹
帶粉偎香羞
一餉未識春風已覺
春情蕩醉裏不知霜月上
歸來已踏梅花浪

又

樓角吹花煙月墮
的蝶韶妍又向梅心破
釵上綵旛看一個
賞心已覺春生坐
莫恨年華風雨過
入日嬉遊次第連
燈火翠幌高張金盞大
已拚醉袖隨香鞦

又

小院菊殘煙雨細
天氣淒涼惱得人顛顛被晚
橙香羞早起
玉釵一任慵雲墜
樓上珠簾鈞
也未數尺遙山
侯盡傷高意
竚立不禁殘酒味
繡羅依舊和香睡

又

小院秋光濃欲滴
獨自鈎簾細數
歸鴻翼鴻斷天高無處覓
矮窗催暝
蛩催織涼月去人纔
數尺短髮蕭豎
醉傍西風立
愁眼望天收不得
露華衣上三更溼

又

晴日溪山春可數
水邊池塘知有人家住
尋日

尋花花不語舊時春恨遠如許 苦恨東風無
意緒只解催花不解催人去日曉荒煙迷古戍
斷魂正在梅花浦

醉落魄

賦寄
摘花

夏園初結綠深深處紅千疊杜鵑過盡芳菲歇
只道無春滿意春猶慳 折來一點如猩血透
明冠子輕盈帖芳心感破情尤切不管花殘猶
自揀雙葉

又別少城舟
宿黃龍

風催雨促今番不似前歡足早來最苦離情毒
唱我新詞掩著面兒哭 臨行只怕人行遠慙
勤更寫多情曲相逢已是腰如束從此知他還
減幾分玉

又

晚涼時節翠梧風定蟬聲歇有人睡起香浮頰
倚著闌干笑揀青荷葉 如今往事愁難說曲

池依舊閒風月田田翠蓋香羅疊畱得露痕都
是淚珠結

南鄉子

幾日訴離樽歌盡陽關不忍分此度天涯真個
去銷魂相送黃花落葉村 斜日又黃昏蕭寺
無人半掩門今夜粉香明月淚休論只要羅巾
記舊痕

又

纔合又輕離心事多違小窗燈影記親移可奈
酒醒花困處不省人歸 山翠又如眉腸斷幽
期相思有夢阿誰知莫遣重來風絮亂不似當
時

又

老去嬾尋花獨自生涯幾枝疎影漫窗紗昨夜
月來人不睡看盡橫斜 門外欲啼鴉香意凌
霞從渠千樹遠人家世上一枝元也足不要隨

他

鵲橋仙 秋日寄涼

角聲吹月風聲落枕夢與柔腸俱斷誰教當日太情濃颺不下新愁一段黃花開了梅花開未會約那時相見莫教容易負幽期怕真個孤他淚眼

虞美人 春愁

輕紅短白東城路憶得分襟處柳絲無賴舞春柔不繫離人只解繫離愁如今花謝春將老柳下無人到月明門外子規啼喚得人愁爭似喚人歸

木蘭花

疎枝半作窺窗老又是一年春意早風低小院得香遲月傍女牆和影好去年苦被離情惱今日逢花休草草後時花紫盡從他且趁先春拚醉倒

又 二江得書作

別時已有重來願誰料情多天不管分明咫尺是青樓抵死濃雲遮得徧寄聲只倚西飛雁雁落書回空是怨領愁歸去有誰知水又茫茫山又斷

瑞鷓鴣 瑞香

東風冷落舊梅臺猶喜山花拂面開紺色染衣春意淨水沉薰骨晚風來柔條不學丁香結矮樹仍參茉莉栽安得方盆載幽植道人隨處作香材

又 春日南園

門前楊柳綠成陰翠塲籠香徑自深遲日暝照芳草眼好風輕撼落花心無多春恨覺難語最晚朝眠蝶易尋惟有狂醒不相貸釀成顛顛到如今

鷓鴣天

昨夜思量直到明拂明心緒更愁人風披露葉
高低怨冷雨寒煙各自輕 休賴酒莫求神爲
誰教爾許多情如今早被思量損好更當時做
弄成

又

木落江空又一秋大寒幾日不登樓紅綃帳裏
橙猶在青瑣窗深菊未收 新画閣小書舟篆
煙熏得晚香霏只因貪伴開爐酒惱得紅兒一
夜謳

又寄少

淚溼芙蓉城上花片飛何事苦參差鎖深不奈
鴛鴦無語巢穩事如燕有家 情未老鬢先華可
怜各自淡生涯楊花不解知人意獨自沾泥也
學他

浪淘沙

山盡兩溪頭水合天浮行人莫賦大江愁且是

芙蓉城下水還送歸舟 魚雁兩悠悠煙斷雲
收誰教此水却西流載我相思千點淚還與青
樓

雨中花令

聞說海棠開盡了怎生得夜來一笑翠綠枝頭
落紅點裏問有愁多少 小院閉門春悄悄禁
不得瘦腰如嬾豆蕊濃時醉醺香處試把菱花
照

又

舊日愛花心未了緊消得花時一笑幾日春寒
連宵雨悶不道幽歡少 記得去年深院悄梁
畔一枝香嫋嫋說與西樓後來明月莫把梨花
照

又

卷地芳春都過了花不語對人含笑花與人期
人怜花病瘦似人多少 聞道重門深悄悄愁

不盡露啼煙嫋斷得相息除非明月不把花枝照

望江南 交油龍寄凝前遇雨作

蓬上雨蓬底有人愁身在漢江東醉去不知家

在錦江頭煙水兩悠悠吾老矣心事幾時休

沉水熨香年似日薄雲坐帳夏如秋安得小書

舟家有裝航名雲舟

望秦川 早春感懷

柳弱眠初醒梅殘舞尚凝春陰將冷傷簾幙又

是東風和恨向人歸樂事燈前記愁腸酒後

知老來無計遣芳時只有閒情隨分品花枝

又

竹粉翻新簪荷花拭靚妝斷雲侵晚度橫塘小

扇斜欹依約傷牙床燕蜜分紅荔傾筒瀉碧

香醉時風雨醒時涼明月多情依舊過西廂

又

翠黛隨粧淺錄衣解體香好風偏與十分涼却扇含情獨自遠池塘碧藕絲絲嫩紅榴葉葉雙牽絲摘葉為誰忙情到歇歇拚醉又何妨

南歌子

雨燕翻新幙風鵬遶舊枝回堂春盡日遲遲又

是一番平綠漲西池病起尊難盡腰寬帶易

垂不堪村落子規啼問道行人一去幾時歸

又 揚元輔又青示尋春

淡靄籠青瑣輕寒薄翠綃有人顚顚帶寬腰又

見東風不忍見柔條悶酒尊難盡閉香篆易

銷夜來溪雲已平橋溪上梅魂憑仗一相招

又 春早

梅塢飛香定蘭窗翠色齊水邊沙際又春歸領

略東風能有幾人知愛月眠須晚尋花去未

遲誰家庭院夏芳菲費盡才情休負一春詩

又

率筵飲散撤芳尊人影亂紛紛且約玉驄留住

細將團扇平分一甌看取招回酒興爽徹詩

魂歌罷清風兩腋歸來明月千門

又

龍圖分罷覺芳滋歌徹碧雲詞翠袖且留纖玉

沉香敲棒水垵一聲清唱半甌輕暖愁緒如

絲記取臨分餘味圖教歸後相思

又

真遊六六洞中仙騎鶴下三天休道日斜歲暮

行年方是韶華相逢一笑此心不動須待明

年要得安排穩當除非四十相連樂天詩有行年三十九歲

時之句

又

片花飛後水東流無計挽春畱香小誰栽杜若

夢回依舊揚州破瓜年狂嬌花豔冶舞柳纖

柔莫道劉郎霜鬢才情未放春休

烏夜啼

楊柳拖煙漠漠梨月浸月溶溶吹香院落春還

盡顛顛立東風只道芳時易見誰知密約難

通芳園邊徧無人問獨自拾殘紅

又

白酒欺人易醉黃花笑我多愁一年只有秋光

好獨自却悲秋風意常吹夢去月遲多為人

留半黃橙子和詩卷空自伴床頭

又

綠外深深柳巷紅間曲曲花樓一春想見貪遊

冶不道有人愁三月東風易老幾宵明月難

畱除醜白盡窗前也還肯醉來否

又

靜院槐風綠漲小窗梅雨黃塗欲看春事畱連

處惟有夜寒知夢長閉消午醉掃花笑坐風

涼歸來窗北胡床與在幾皇以上

虞美人影

粉霜拂拂凝香砌。醞梅花天氣。月上小窗如水。冷浸人無寐。平生可慣閒顛顚。擔負新愁。不起消遣。夜長無計。只倚熏香睡。

一落索

門外鸞雙揚柳。正減歡疎。酒春陰早。是做人愁。更何況花飛後。莫倚東風消瘦。有離驛入手。儘便香玉醉。何妨任花落。愁依舊。

又歌者索詞

名一束
小小腰身相稱。更著人心性。一聲歌起。繡簾陰。都遏住行雲影。聞道玉郎家。近被春風勾引。從今莫怪。一束看自。壓盡人間韻。

憶秦娥

青門深海棠。開盡春陰。春陰陰。萬重雲水一。寸歸心。玉樓深鎖。煙消沉。知他何日同登臨。同登臨。待收紅淚。細說如今。

又

情脉脉。半黃橙子和香。擘和香。擘分明。記得袖香。鼎窄。別來人遠。關山隔。見梅不忍。和花摘。和花摘。有書無雁。寄誰歸得。

又

愁無語。黃昏庭院。黃梅雨。黃梅雨。新愁一寸。舊愁千縷。杜鵑叫斷空山。苦相。思欲計人何許。人何許。一重雲。斷一重山阻。

好事近

資中道上無雙淚感懷作
別夢記春前。春盡苦無歸日。想見鵲聲。庭院誤。幾回消息。萬重離恨。萬重山。無處說。思憶。只有路。傍雙。埃也。隨人孤隻。

又待月不至

天淡一簾秋。明月幾時來。得何事。桂低香。近把清光。邀勒。人間明晦。總由天。何必問。通塞。且為。人如月。好醉莫分南北。

又

煙盡成樓空 又是一簾佳月何事山城畱滯負
好花時節 燒燈剪綵漫心情應有翠娥說欲
借好風吹恨奈亂雲愁疊

又

急雨開水荷銷盡一襟煩暑趁取晚涼幽會近
翠陰濃處 風梢危滴撼珠璣灑面得新句莫
惜玉壺傾盡待月明歸去

清平樂

山城桃李催促春無幾日日爲花須早起猶借
花無計 阿誰畱得春風長教遠綠圍紅莫遣
十分芳意輸他萬點愁容

又

秋香誰買散入琉璃界點綴小紅全不礙還却
鉛華餘債 夜來月底相期一枝未覺香遲恰
似青綾帳底絳羅初試裙兒

又

疎疎整整風急花無定紅燭照筵寒欲凝時見
篩簾玉影 夜深明月籠紗醉歸涼面香斜猶
有情梅心在滿庭誤作吹花

又

綠深紅少柳外橫橋小雙燕不知幽夢好驚起
碧窗春曉 起來膏燄多時玉臺金鏡慵移多
少春愁未說却來開數花枝

謁金門

春悄悄紅到一枝先巧酒入半腮微帶非粉寒
香未飽 芳意枝頭偏開困盡蜂鬚鬢鬢爪擬倩
玉纖和露拘情多愁易攪

又

花簇簇觸眼萬條垂玉小院春深窗鎖綠水沉
風籟續 明月又侵樓曲羞向枕囊拘束只待
夜深清影足醉來花底宿

又陪蘇子重諸
友飲東山

身帽側行徧杏花春色野意青青分隴麥人家
煙水隔 春華莫催行客彈指青梅堪摘醉倚
暮天江拍拍雨晴沙路白

又起病

花半溼一霎晚雲籠密天氣未佳風又急小庭
愁獨立 酒病起來無力懶惱篆煙鎖碧一餉
春情無處覓小屏山數尺

又

春夜雨催潤柳塘花場小院深深門幾許回簾
香一縷 獨立晚庭凝佇細把花枝閉數燕子
不來天欲算說愁無處所

又

風陣陣吹落楊花無定酒病耿耿三月盡花檀
紅自隱 新綠軒牕清潤月影又移牆影手撼
青梅無處問一春長悶損

又

濃睡醒驚對一簾秋影楓葉乍零風不定半窗
疎雨影 愁與年光不盡老入星星雙鬢只擬
上樓尋遠信雁遙煙水暝

卜算子

枕簟暑風消簾懷秋風動月到夜來愁處明只
照團衾鳳 去意杳無憑別語愁難送一紙魚
牋枕底香且做新來夢

又

獨自上層樓樓外青山遠望到斜陽欲盡時不
見西飛雁 獨自下層樓樓下垂聲怨待到黃
昏月上時依舊柔腸斷

又

幾日賞花天月淡荼蘼小寫盡相思喚不來又
是花飛了 春在怕愁多春去冷歡少一夜安
排夢不成月墮西窗曉

霜天曉角

幾夜瑣窗揭素蟾光似雪恰恨照人歌枕紗幮
爽聲殺滑 迤邐篆香裏好懷誰共說若是知
人風味來分付半牀月

又

玉清冰樣潔幾夜相思切誰料濃雲遮擁同心
帶甚時結 窗窗休惜別還有來時節記取江
陰歸路須共踏夜深月

減字木蘭花

雙雙相竝一點紅邊偏照映玉剪雲裁不比浮
花芙蓉開 幾回心下選勝摘來情自足揮向
雲鬟要與仙郎比竝看

菩薩蠻

和風暝日西郊路遊人又踏青山去何處碧雲
衫映溪纔雨三 疎松分翠黛故作羞春態回
首杏煙消月明歸渡橋

又

春回綠野煙光薄低花矮柳田家樂隴麥又青
青喧蜂閉趁人 野翁忘近遠怪識劉郎面斷
却小橋溪怕入溪外知

又 訪江刺
外家作

画橋拍拍春江綠行人正在春江曲花潤接平
川有人花底眠 東風元自好只怕催花老安
得萬垂楊繫教春日長

又

平蕪冉冉連雲綠斜陽襯雨明溪足小鴨睡晴
沙翠煖三兩花 春光開婉婉盡日無人見試
著小屏山圖歸雲際看

又 正月三日
西山即事

山頭翠樹調鶯舌山腰野菜飛黃蝶來為等閒
休去成多少愁 小庭花木吹猶有啼痕在別
後不會看怕花和淚殘

又
羅衫乍試寒猶怯妬花風雨連三月燈冷閉門
時有愁誰得知此情真個苦只爲當時語莫
道絮沾泥絮飛魂亦飛

又
夜來花底鬢籠舌把人心事分明說許大好因
緣只成容易傳春闈無好計唯有歸來是從
此玉臺前曉粧休太妍

又
小窗蔭綠清無暑篆香終日篆蘭炷水竈漲寒
濤清風一枕高有人團扇却門掩庭花落少
待月侵床照教魂夢涼

又
暑庭消盡風鳴樹樹鳴風盡消庭暑橫枕一聲
鶯鶯聲一枕橫扇統低粉面面粉低統扇涼
月淡侵床床侵淡月涼

又
東風有意畱人住黑風無意催人去去住兩茫
然相逢成短緣平生花柳笑過後關心少今
日奈情何爲伊饒恨多

又
去年恰好雙星節鵲橋未渡人離別不恨障雲
生恨他真個行天涯消息近不見棄鸞影柳
外鷓鴣聲幾回和夢驚

又
溪寒帶暝和煙下輕陰挾雨隨風灑翠幙護重
簾篆香銷半管平生風雨夜怕近芭蕉下今
夕定愁多蕭蕭聲奈何

又
客窗曾剪燈花弄誰教來去如春夢冷落舊梅
臺小桃相次開人間春易老只有山中好閒
却種花籬莫教溪外知

又

曉煙籠日浮山翠春風著水回川媚遠近碧重
重人家山色中 野花香自度似識幽人處安
得著三間與山終日閒

又

扶犁野老田東睡插花山女田西醉醉眼眩東
西看看桃滿溪 耕桑山下足統綺人間俗莫
管舊東風從教吹軟紅

浣溪沙

病中有以蘭花
相供者戲書

天女慙勤著意多散花猶記病維摩肯來丈室
問云何 腰佩摘來煩玉笋鬢分處想秋波
不知真個有情麼

又

遙想當年出鳳雛王口風有未全疎祇今朱紱
為誰紆 芳草池塘春夢後粉香簾懷曉晴初
一簪華髮要人梳

又

翠葆扶疎倚紫闥亂飄綠沼滿書單清明時節
又看看 小雨勒成春尾恨東風偏作夜來寒
琴心老盡不須彈

又

薄日發陰午暑空一盃何寧便潮紅扇統揮盡
却疎慵 早睡情懷求枕外夜涼消息雨荷中
不須留燭眩房櫳

又

閒倚前榮小扇車晚妝無力錦雲鷓鴣凝情看落
一庭花 笑批清風歸玉枕頰隨缺月傍窗紗
羞紅兩臉上嬌霞

點絳脣

梅雨收黃暑風依舊閒庭院露荷輕頭只有香
浮面 挂起西窗月澹無人見幽情遠墮釵低
扇好個涼方便

愁倚蘭令 三景道
上賦

山無數雨蕭蕭路迢迢不似芙蓉城下去柳如
腰 夢隨春絮飄飄知他在第幾朱橋說與杜
鵬休喚怕魂銷

又

春猶淺柳初芽杏花楊柳杏花交影處有人
家 玉窗明煥煥霞小屏上水遠山斜昨夜酒
多春睡重莫驚他

生查子

溪光曲曲村花影重重樹風物小桃源春寧還
如許 情知送客來又作尋芳去可惜一春詩
總為閒愁賦

又

長記別郎時月淡梅花影梅影又橫窗不見江
南信 無心換夕香有分怜朝鏡不怕瘦稜稜
只怕梅開盡

又 春日
園情

蘭帷夜色高繡被春寒擁何事玉樓人屢踏楊
花夢 分明相見陳不道幽情重乞個好因緣
莫待來生種

長相思

對重陽感重陽身在西風天一方年年人斷腸
景淒涼客淒涼縱有黃花祇異鄉晚雲連夢
長

又

酒孤斟客孤吟戲馬登荒露艸深英雄何處尋
愛登臨莫登臨定是愁來關客心莫天煙水
沉

又

風敲窗雨敲窗窗外芭蕉雲作撞聲聲愁對床
對銀缸照銀缸夢採芙蓉隔一江幾時蝴蝶
雙

如夢令

風入藕花翻重夜氣與香俱縱月又帶風來涼
意一襟誰笑情重情重可惜短宵無夢

憶王孫

蕭蕭梅雨斷人行門掩殘春綠陰生翠被寒燈
枕自橫夢初驚窗外啼鶉催五更

正伯崇子瞻中表兄弟也故幕中多酒蕙
作如去離忘一剪梅之採今志剛正其語
相思四代好折紅英清湖詞家皆極出賞
謂秦七黃九莫及也湖南无音識

會舟詞終





